

## NÛŞTÎŞÎ MA SER

Gelê şarî ma, şîma zî zon ma hema newe destpêkerd in kari xû. Ez texmîn kena şîma zafî vonî inî merdûmon yo rojname vet la hema înan çi qeydî nûşt. Eg yew zon hetanî êr(ewro) zaf nêamo nûştîşî û yew standartî ay çîniya, o zon ser epey meselê virazîyêna.

Herkês von çi ra înan zê ma nînuşt yahût von înan xeletî nûşt yanî herkês ce xû ra qisey kên. Ma nêvanî şîma nêhaq ma vonî haqî şîma piyêrûn esto zonî xû ser qisey vajî.

La hema ma sebik yew standartî ma çîniya Ma zê Boglon binûs ay Darayênî nêwazên, ma zê Darayênî binûs ay î Çewlîg nêwazên welhasil herkes von wa îhî gûrî zê ma bib feqet hina nêbeno.

Ma gerek yew standartî viraz. Îna standartî ser Komê Vate zaf xebitîyên la hema inon z' tom nêviraşta. Ma z' qayilîb wa yew standartî ma bibên û wa şarî ma nûştônî ma piyêrûn fom bikêr la hema ma sebik destî ma ra taba nêyan. Ma şîma piyêrûn ra helalî wazên eg yew xeteyê ma esta haq xû helal bikerên.

## Rojnameyê



# ZAZAKÎ

*Bîwênên, Bînusên, Bîmusên, Bîmusnên*

Tişrîn vêrin (Ekim) 2013

Hûmare: 1

Vaya / Fiyat: 1 TL

## MERHABA ŞARÎ ÇEWLÎG



Bi îznî Home ma êr(ewro) destpêkerd zazaki rojnameyê xu. Şîma zî zon zazakî raporon UNESCO di zonîg ha mirên miyon înonda. Bajarê Çewlîg û qezon yîd zafî rojnameyê(gazete) tirkî vejîyenî. Hema julyo rojnameya zazakî nêvejîyena. Ina rêya kotişî ma qê ina kêmasî têki wedarayîş raw. Ina rêyayî madi xelek kemîye ma qusurê ma beno ke xura ma zê semê ina kemasî ra kot rêya.

Ma ina xebatê xu di şîma zê kişte xu d' wazênî. Bîyerê, piyêru piya in zonê xurî yo nefes bên. Wa zonê ma bicuyîw û ma zê bicuyî.

### ROJNAMEYO VÊRIN BÊ "RENÇBER EZÎZ" NÊBENO



Ma êr(ewro) destpêkerdo ina xebatê rojnamê, ma vatê ina xebatê rojnameyê zazakî ya vêrin bê Rençber nêbena.

Înay ra ma ina rojname dê wêşiye (hayat) Êzîz kilm guretu qelem.

Mîletê ma, mîletê ma Dînya d' yo darê ma çîn ya

Êzîz ina dina (dînya) di yo darê ma vo ina dar xu wirra mekerên.

➔ 3

### ÇEWLÎG DESTPÊKERDO WEÇINATÎ (SEÇİM)



Seçimî(weçinatî) 2014 biyo nîzdî. Şarî çewlîg û verendam (aday) çewlîg epey gûrî seçim ser xebitîyên. Herkês von wa vernamzed (aday adayî) ma bi vejî yî.

➔ 2

### Heq ponçiyes serra dima newi ami



Tiyara 15 serr ver 17 nisane 1999'id Darayênî di ap(dad) û birarza Mehmet Eliveren(19) û Yılmaz Eliveren(17) pê dest polîson amêb kiştiş.

➔ 3

### Pîxeriyon dû gûrêt



➔ 2

### Meselêyê

### Azaxpert(Adaklı) meclîsî dê



➔ 4

### Çewlîg, her çeşit xizmet dî

➔ 3





## Rojnameyo vêrin sêr

Ma erî destpêkerdo rojnameyê xû verîn. Ma inî rojnameyê xû sêr û zonî(zîwan) xû sêr çend qalon vajî. Şîma zî zanî, zonî ma, ma rê yo rāhmetê Home'yo. Ma zî vanî ma in rahmetê Homa'yi xû rê yew xebatek bikerî ma in cûra destpêkerdo xebatê rojnameyê xû verîn. Hêta ma bişk ma in xebatê xû dewom kênî. Ma vano ma şarî Çewlîg ir pê zonî kîrdkî (zazakî, kîrmanckî, dimilkî) rojnamê vecî. Ma kot hîna yew rêya, ma zanî in rêyêka meşeqqata, derga, zahmet û rêyêka telêyîna. Ma inî gûrîyon piyerûn zanî, xûra ma zî vonî "bê zāhmet rāhmet" nêbeno. Ma herkês cê xûra şûxûlîyên, têkî rojnamê, têkî kovar(dergi) têkîzê kitabon vecên. Kamû qey zanê xû xêbatkeno Homa ey ra razîbû. Eg ma herkês cê xû ra nişuxulî Homa in rāhmetê xû yanî zonî ma ma ra geno, qicon(tût, hûl, doman, qji) ma ra geno, tûêron ma ra genû. Welhasil niyetê ma rāhmetê Homa'yi xû yanî zonê xû xelîsnayîş û.

Ma erî Çewlîg dê kam ra persbikêr ya zazakî (kîrdkî, dimilkî, kîrmanckî) ya z' kûrmancî zanû la hema tî vajî rê in pelê zazakî yahût kûrmancî bîwenên ço nîzano bîwonû. Şarî bîn zonî xû dê pê milyonan, milyaron kitap nûştî la hema zonî mad hatta êr 100 kitap ya est ya çîn î. Zon tēna pê hûkmat û pê enstîtuyon nêşken xû bîxelîsin zon pê cihîyon, comêrdon, qicon,pilon

yanî pê qîsêkerdîş, nûştîş û wendîş êşken xû bîxelîşin. Şîma şarî kîrdon (zazê, dimilkî, kîrmanckî, kûrmancî) hîn çendêk dest şîma ra yena hîndek zonî xû qîsebikên, bîwonên, bîhûsên, bîmûsên û bîmûsnên.

Yew vatê vêrînon ma esto vanî "Veywîradîm def nişen." Ma zî vanî hema veywê ma nêqedîyaw ma hema newî destpêkerd veywê xû. Wa emser bib veywê zonî ma.

Ma vanî êy şarî Çewlîg eg ma wayêr zonê xû nîvejî zonî ma mirêno. Sîba qîc ma benî pl vajî dayê, bawo şîma zonî ma caverdo? Şîma a hâl sekênî? Yan zî rojêk şîmara pers bikêr vajî dayê, bawo sîba merg esto ma karê berkolê mezêl (gor) şîma pê koncî zon bîhûs? Şîma û waxt sekênî?

Ma êr tîyara veng don şîma êy şarî Çewlîg bîyerên hema wext ma esto ma hema cîwîyên(cûyên) wa zonî ma z' hatta pêni bicûyîw.



## Şênayîye zonê (zîwan) zazakî biyo

Çewlîg dî şênayîye zonê zazakî biyo. Dernekê Zon, Kamîye (kûltûr) û Tarîxî Zazakî, İstanbûl Zaza-Der û Alamanya ra Zaza Gemein de in Deutşclan tîye dir in şênayî organize kerdo.

Şarî Çewlîg şî in şênayîye Zazakî. Ina şênayî di zazakî kitab, kovar (dergi) û rojnamê rûeşîyê. Şênayî dî hûnermendê(sanatçî) Çewlîg zafî deyr û lawik vatî.

Çewlîg dî hîna yo şênayî newî bî. Şênayî di zazakî ser inî qîsey amê vatîş. Zazê rêngî in welatî, wa zazakî vîn nêbû, wa zazakî radio û TV bîvejîw û vatê wa in şênayîye zazakî her serr vîrazîyo. Eg ma wayêr zonê xû nêvejî zonê ma û dînyê ma pîya benî vîn.



## ÇEWLIG DESTPÊKERDO WEÇINATI (SEÇİM)



Seçimî(weçinatî) 2014 biyo nîzdî Şarî çewlîg û verendam (aday) çewlîg epey gûrî seçim ser xebitîyên. Herkês von wa vernamzed (aday adayî) ma bî vejî yî. Ti onîyên rojnameyonî ra kam yo zerrê yî qey namzedî est inon piyerûn rûeşon şarî Çewlîg kerdo bimbarêk ma zî von Homa xêrî şîma piyerûn qebûl biker.

Inî gûrî vèrnî her weçinatî dî(seçim) benî kom yo zerrê yî bib se qey namzedî mihaqqaq yo cadî nişonî xû don vonû gelo banên ez ha tîya da. In gûrî tim û tim benî ma zî zaf derg nêkên ma von kom yo şarî Çewlîg ir hol kom yo niyetê yî tēnê zaf xîzmetî wa û kom yo niyetê yî tēnê xalîs a wa û bîvejî yo.

## Pîxerîyon dû gûrêt

Emserr zîmîston lez amî zê serron bînan. Hema payîz nêqedîya zîmîston amî verî bêr. Şarî ma çewlîg nîmo zafî hema xû r' tedarekî zîmîston nêdîyo. La tî wext bîanî pîxerîyon ra tî hin zon zîmîston amo. Çûnkî hin hin pîxerî ma dû kên. Ma tîyara şarî xû ra vonî şîma pîxerîyonî xû pak kerî hema newî sobonî xû û qazononî xû dekêr. Eg şîma pîxerîyonî xû pak nikêr se hol dûmon nêoncên û şîma tengzar kênî.



**Qezayê çarin: Kiğî**  
Kiğî bidewon ra tîyedir 438 km² ârdî serawa. Çewlîgra 75 km dînyîya. . Nûfûs qeza dewon dir tîyedir 6-7 hezar ten esto. Inonra 2-3 hezar tēn qezadê, yî bîn dewon dē. Qezadi 28 dew û 71 mezrê estî.

**Qezayê poncin: Boglon(Solhan)**  
Boglon bidewon ra tîyedir 1114 km² ârdî serawa. Çewlîg ra 48 km dînyîya. Nûfûs qeza dewondir tîyedir 35-36 hezar ten esto. Inonra 19-20 hezar tēn qezadê, yî bîn dewondê. Qezadi 27 dew û 113 mezrê estî.

**Qezayê şeşin: Holhol (Yayladere)**  
Holhol bidewon ra tîyedir 419 km² ârdî serawa. Çewlîg ra 110 km dînyîya. . Nûfûs qeza dewondir tîyedir 3-4 hezar ten esto. Inonra nîzdî 2 hezar tēn qezadê, yî bîn dewondê. Qezadi 20 dew û 80 mezrê estî.

**Qezayê howtin: Çêrme (Yedîsû)**  
Çêrme bidewon ra tîyedir 426 km² ârdî serawa. Çewlîg ra 124 km dînyîya. Nûfûs qeza dewondir tîyedir 2-3 hezar ten esto. Inonra nîzdî 2 hezar tēn qezadê, yî bîn dewondê.

## Dîyarê xû bişinasnên

**Çewlîg**  
Cîronê şîndorê Çewlîg dî Rojavadî Mûş, Vakûr dî Erzingan û Erzurûm, Rojavon id Dersîm û Xarpet, Başûr dî Amed estê. Şarî Çewlîg zafî zazakî û kûrmancî qîsekênî. Çewlîg dî bîye inon Tirkî yena qîsekerdîş.

Çewlîg howt Qezonra yeno pêşer.

**Qezaya verîn: Azakpert (Adakî)**  
Qeza bidewon ra tîyedir 879 km² ârdî serawa. Çewlîg ra 66 km dînyîya. Qezadi 35 dew û 75 mezrê estî.

**Qezayê diyîn: Darayênî (Geng)**  
Darayênî bidewon ra tîyedir 1646 km² ârdî serawa. Çewlîg ra 20 km dînyîya. Qezadi 62 dew û 243 mezrê estî.

**Qezayê hîrin: Kanîrêş (Kartova)**  
Kanîrêş bidewon ra tîyedir 1392 km² ârdî serawa. Çewlîg ra 70 km dînyîya. Nûfûs qeza dewondir tîyedir 32-35 hezar ten esto. Inonra 8-9 hezar tēn qezadê, yî bîn dewon dē.



## ezo bira ezo bira çirêy nîşin ti mavîra



Rençber Ezîz, 1955 di Çewlîg di dewa Wûsfan di amo rîye dûnya. I serronid jûljo nêwêşîya giron pêyda bena. İna nêwêşî ra zafî tîni çimon ra şîni. Rençber EZİZ iz ina nêwêşîra dima çimon ra benû Ezîz 1-2-3 serron di destpêkên lawikon. 17 serron di şîno İstanbûl. Ûca di merdûmonêko zê xû ama şînasnêno. İnon dir destpêkêno zanaatî mûzîk(qeydê). Ezîz meselêyîkê dormalîyî dê yanî siyaset û zonî ser zaf hayîk beno. İnon ser kilamon vano. İnay ser garê Ezîz beno. Ezîz donî mahkema 7 aşm û 9 roj zîndan di moneno. Waxtakî zîndanî ra vejyeno remeno şîno Alamanya. Ûca di İltîca keno û nasnamê/kîmlîkê Alamanya geno. Ûcadî meselonî Tirkîya sêr Kirdkî, Tirkî kilamon vano. Alamanya di bantê kilamon xû vêrîn "Hasreta Azadî" vêjeno. İn bantêdi meseleyî Tirkîya ser kilamon vano Ezîz.

Ezo bîra! Ezo bîra!  
Ezo bîra! Ezo bîra!  
Çîrey nîşin ti ma vîr a  
Ezo bîra! Ezo bîra!

Wextî g' bîra tû da rawo  
Tû qey ma ra çî nêwawo  
Tî nîmtîk şî Almanyawo  
Ezo bîra! Ezo bîra!  
Ezo bîra! Ezo bîra!  
Çîrey nîşin ti ma vîr a

Ayê şar şîn Alamûnî  
Geyrên awo hûnê yenî  
Ezo bîra tî qey nêni?  
Ezo bîra! Ezo bîra!  
Tî yo hew şî tî hîn nêni  
Ezo bîra! Ezo bîra!

Pîyorê dînya r' bant dekeno  
Wayon xû xûvîr a keno  
Ma nêzûn Ez ho se keno  
Ezo bîra! Ezo bîra!  
Ma nêzûn Ez ho se keno  
Ezo bîra! Ezo bîra!

Wextîg' tîrûn yena Mûşî  
Ezo bîra tîz çînîşî  
Bîye Çolîg id ma het rûeşî  
Bîra Ezo, Ezo bîra!  
Çolîg id vînd, ma het rûeşî  
Bîra Ezo, Ezo bîra!  
Çîrey nîşin ti ma vîr a  
.....

İn bantê kilamonra dima nêyar Ezîz tenê benî zaf û kom nîzano çîqe di bînaû berzra ginonû warro, şîno rahmet. Ezîz wasiyetê xûdi vatû sêrî berkolê mi di in qîsêmi binûsen. "Ya rêwon vînde. Mi 32 serr roşniyê nîdîya, qîymetî roşniyê bizonê" Homa cê î cennet bikîrû.

Ma wext derhaq Rençber Ezîz di onîyên kîtabon ra kîtabî Doğan KARASÛ di rîportaj babî Ezîz di hina yo qîsêk vîyertên ra babî Ezîz vatên "Ez hema Ezîz xû honon xû dî vînena" ina qal zaf zerrê mi vêşna. Homa dêrd ewlat nêmuêcîn yew dadî û babî.

### KIRDKÎ SER

Kirdkî biwanî û bîmusî û bîmusî û bîmusî. Kirdkî zîwanê ma yo. zîwanê babî û kalê ma yo. Zîwanê ma kamîya ma yo, zîwanê ma nasnameya ma yo. zîwanê ma fikirê ma yo. bê zîwan cu nêbeno.

Zîwanê ma zîwanê hînd û Ewropa yo. Zîwanê ma bi hîris û yew herfan nusîyeno. Zîwanê ma de ca ca piyaveng zî esto. Zîwanê ma bi çar zaravayan o. Kirmanckî û kurmanckî û kurmanckîya cerin û goranî. Zaravayên zîwanê ma ra tewr kan kirmanckî(zazakî) ya. Mêjûyê zîwanê ma heta İsayî ra ver panç sey seran ra destpêkeno. Demê Medan de pê zîwanê ma karardo. Mêjû de gelek cayan de zîwanê nêzdîyê zîwanê ma berhemî estî.

### Çewlîg, her çeşit xizmet di

Serek beledîye Serdar Atalay va "Rûejî g' ma vazîfe gûret Çewlîg ma çarna şartîya. Viraştê bin erd û ser erd,rastkerdişo derdomalê camîyon gorîstanon/mezelon,parkon,bahçê wendegahon/mektebon, tesîsa eşteyo wûşk ig depo kên(Katî atik depolama tesîsî), Tesîsa awa eşte sefîhên(Atik su artma tesîsî), nome bi tirkî ya "kentsel dönüştürme" ser ma xebat kerd Çewlîg zere çar ser dê her çeşid xizmet di.

#### Problemi g' dormale çewlîg di bi ma inin ra qedey/xelisîyay

Serek îfadê xû di va Çewlîg problemon dormalê ra qedaya"Çoras serro eşte qanalizasyonon şînen deron û deştan. Ma sayê tesîsa awka eşteya sefîhayîş (Su artma tesîsî) dê ma ta de awk sefîna û awka temîz ma verda deştan û deron.

Çewlîg daha zaf qey sermayegozarê re xû pere beledîyeyê Çewlîg ra gûret, Atalay inin ard ma vîr û dima va:"İna xebata g' ma ha ken rûej ig ome qeda o wext Çewlîg, tam bîna yew bajara vizyonin. Heton inkey malîyet inî guron 175 milyon TL o.

### Heq ponciyes Serra dima newi ami

Tîyara 15 serr ver 17 nisane 1999'id Darayênî di ap(dad) û birarza Mehmet Eliveren(19) û Yılmaz Eliveren(17) pê dest polîson amê kîştîş. 28 nisane 1999'id sawciyi(dozger) darayênî vat in ap û birarza wext amê kîştîş in ser yo/ju keleş û di heb bumbê amê depîştîş. Sawci(dozger) pê ina îftirayê polîson ap û birazêr dawa kerdib a.

O wextîz şarî Darayênî û şarî Çewlîg piyerun zonên ina raşt nêwa. Hemi kês zonên karê(gurî) in merdumon keleş û bumbon dir çînî wo. Feqet hûkmat hema newi haq in merdumon teslîm wayêron kerd. Dozgerîyê(savcılık) Diyarbekir ina dawa newi kerd a vat polîson nêhaqî ra qic(hûl, domain) şîma kîşt û polîsonir muebbet hepis(hapis) waşt.



### WEŞÎ- NÊWEŞÎ

Diştarî(grip/nezle)

Diştarî ra xû bi pawen. Payîz ame û zimistonîzî ver berdo. Wextî g' serd yen xû d' en zaf nêweşîyê diştarî ano.Şîma xû diştarî ra çî qedî pawên? Ma qey diştarî doxtoron dir qîsey kerd ma va îlaç ina diştar çîraw û ma xû çî qedî/senî diştarî ra bipaw?



- 1-En vernî d' wa honî şîma dûzîb. Wa wext rakotîş û wirîştîş şîma belûb.
- 2-Zaf diçqetî werdiş xû bikerên û wa saatê cêm şîma belûb.
- 3-Mirdê xû çîwo awîn biwerên.
- 4-Zaf zaf fîyêk(meyvî) biwerên
- 5-Bîhe xû hîrakên û stres ra dûr şîyerên.

### Nameyê Hetan (Cihetan)

- |                   |                               |
|-------------------|-------------------------------|
| 1-Rojhelat : Doğu | 5-Başûrê rojhelatî :Güneydoğu |
| 2-Rojawan : Batı  | 6-Başûrê rojawanî :Güneybatı  |
| 3-Vakûr : Kuzey   | 7-Vakûrê rojhelatî :Kuzeydoğu |
| 4-Başûr : Güney   | 8-Vakûrê rojawanî :Kuzeybatı  |





## Ma pey Alfabeya Destpêkir

a, b, c, ç, d, e, ê, f, g, h, i, î, j, k, l, m, n, o, p, q, r, s, ş, t, u, û, v, w, x, y, z

A, B, C, Ç, D, E, Ê, F, G, H, I, Î, J, K, L  
M, N, O, P, Q, R, S, Ş, T, U, Ü, V, W, X, Y, Z

Yew eser ig o wext yena meydon raşt destpêkerdîş zaf muhîm o. Ma ini rojname dê alfabeya Kûrdî şuxulneyn. Qey alfabeya Kurdî yo? Ma sebêb yî z' vac. Heton inkey edebiyatê maya klasik (mewlîd û sanik/meseley) o wext pey ini alfabe latinîze bî, yew zî seg şîma zî zonê ini peyra, pêr Grûba Xebat ra yew edebiyata modern amey meydon, ma wazên wendox ma senî enî rojname wonên la edebiyata modern zi ona biwon û binus.

Ini alfabe, 23 bêveng (b, c, ç, d, f, g, h, j, k, l, m, n, p, q, r, s, ş, t, v, w, x, y, z) û 8 vengin (a, e, ê, î, û, ü, o) ra amo meydon.

### Ferq ma û Alfabeyê Tirkî

#### Ziwon/Zon Tirkî d' Ziwon/Zon Zazakî/Kirdkî/Dimilî û Kîrmanckî d'

İ,ı	viraz	İ,ı	viraz
İ,j	Miraz	İ,î	Miraz
Ü,ü	şuxulnayiş	U,u	Şuxulnayiş
U,u	gurur	Ü,ü	gürür
V,v	vare	W,w	ware
H,h	hatir	X,x	xatir (Zey herfê "ha" Erebkî qirik ra vacina)
K,k	kabul	Q,q	qabul Zey "qaf" ê Erebkî ya

Bê înan mesela tirkî "ğ, ö, ü, j" ini herf alfabeyê kûrdî de nişuxlîn. Inkey yew veng barî yen ma gueson qey ina alfabe? Yew zî ini keyn ig ma kurmonckir. Şîma zonî alfabay aslê xû de çîyo sembolik o. Eger millet pey alfabetomênen bedelnayiş ma, tirk kurd, faris û heme millêt gereka heton nikay 'Ereb bibeyn. Çünke 600 ser Osmanî alfabeyê Ereb şuxulna lakin çö Ereb nibi. Yan zî bîyo çend sero ma ha alfabay latinon şuxulneyn ma herhalde latin nibiyê. Pekî qey ini alfabe? Seg ma va edebiyata modern id zafî nuştox pey ini alfabe nuseyn, ma wazên wendox ma z' bişk ini alfabe fehm bikir û biwon û binus. Senî g' ma va alfabe

yew qutsal çî'emîn niyo. Faqat ma newe yew kaos daha miyar binate. Yanî çö alfabet ser ra siyaset mekir. Eg ma wazên edebiyata modern ra yew hikaye yew roman yan z' yew xeber biwon gereka ma ini alfabe bizon.

Seg ma ha ina xebat onî meydon armanc ma pil zazakî/kirdkî daha zîd biyer wendiş û nuştîş. Qey ineya z' ma yew mahallî rojname destpêkerd. UNESCO ke vona Zazakî zerê poncas ser id bena vîn. Ma z' kenî ina tîz puçkir yan zî ini tarîx zaf berz tepa. Tabî inkey mahallî yo lakin zerê wext id ma destra biyer ma z' yîh standart ser. Çünke binate d' yew xebata pil esta. Ma gerek eta dê yew pirdib.

Niyet ma xalîs ma kewt rayer ma quwêr xûz şîma ra gîn.

## Meselêyê Azaxpert(Adaklı) meclisi da

Pirsgireki Azaxpert hewilnayı meclis wekilê Çewlig û serekwekilê Partiya Aşti û Demoqrasi (BDP) İdris Baluken, xizmeti ke qezaya Azaxpert de nêameyi ca, semedê inan yo/yew peşniyaza qanuni (soru önergesi) da û va: wa serok wezir Recep Tayyip Erdogan cevap biko.

## FERHENGEK/ÇEKU



**Çeku:** sözcük  
**Ciwiyayiş:** yaşamak  
**Destpêkerdî:** başlamak  
**Gel(o):** halk  
**Hêvî:** umut  
**Kovar:** dergi  
**Pîya:** birliktelik  
**Rojname:** gazete  
**Şindor:** sınır  
**Namzed:** aday  
**Vernamzed:** aday adayî  
**Weçînati:** seçim  
**Kâmiya:** kültür

## NAMEYÎ LACEKON U KENEKON Namêyî lacekon Namêyî Keynekon

1-Pîya 1- Hêvî  
2-Varon 2- Çîla  
Ma İtîya qêy namêyî lacekon û keynekon verda. Ma wazênî şîma zi mar namêyon bişraw ma tîya de binusî.

## TEŞEKKUR/SİPASÎ

Ma qey ina xebati  
Şihap Deştij  
Nihat Çir  
Yunus Boztimur  
T. Balande  
Sinan'î Dersim  
Z. Koşan  
û  
Fasilnox / Tasarımcı  
Gizem Ç.  
in umbazonir  
teşekkur/sipasî kên.

# SPOR

## BÊPEREYÊ BELEDİYE BİNGOL SPOR SEBENA?



Emserr Beledîye Bîngolspor semêd bêperêyê ra Spor Toto lîga 3'in di zaf tengî dî menda. Beledîye Bîngolspor emserr destengî ra nêşkena kaykeranî xû biyar pîser. In heşt heftêyo hema jû/yo pûanê ay çîniw o. Beledîye Bîngolspor – 38 averaj a lîg id en bîn id mendî. Semonetê/semêd in mağlûbiyeton şarî Çewlîg destekê xû ont/anit û hin çö nêşîn maçon Beledîye Bîngolspor. Beledîye Bîngolspor Heftê 9'yin dî Trabzon Akçaabat dir kay kênâ. Kûlûba Fûtbola Akçaabat lîg di pê 10 pûanon ra sirayê 11'in da. In kay /maç 27 tîşrîn vêrîn di, saat: 13:30 di Akçaabat'id kay beno.

## BİNGOL ÇAPAKÇUR SPOR RA HÊVÎ MA ESTA

Kûlûbê Çapakçûr ra emser lîga bala Amator di grûba 2'in id kay kênâ. Emser Çapakçûr ra hîvî ma estû. Kûlûbê Çapakçûr pê kadroyeko weş emserr destpêkerd, lîg di rûey bi rûey weş kay kênâ. La taxim hama tam hedre z' nihesiben. Kûlûba Çapakçûr emser hîrî maçon ra hama yew maç qezenç kerdî. Lîgê xû di z' sirayê 9'yin da. Heftêyê 4'in bay vîyerna. Heftêyê 5'in di şîni Mûş ovasispor dir kay kênî. In maçon/kay 27 tîşrîn vêrîn di, saat: 13:30 di Muş'id kay beno.

